

Izjava OHR-a na konferenciji za medije međunarodnih organizacija

Jedinstveno tržište ključ za nova radna mjesta u BiH

Uspostava pravog jedinstvenog tržišta u BiH je ključna za otvaranje novih radnih mjesta i privlačenje novih investicija. Zbog toga, OHR pozdravlja jučerašnji sporazum entitetskih premijera Ahmeta Hadžipašića i Dragana Mikrevića da krenu sa obračunavanje akciza na domaću robu samo jednom, na mjestu proizvodnje. Također podržavamo predsjedavajućeg Terzića u obećanju da će se provesti paket hitnih mjera u naredna dva mjeseca u svjetlu jačanja jedinstvenog ekonomskog tržišta u BiH.

Poreski sporazum će značiti pojednostavljenje komplikovanog akciznog sistema u BiH. Taj čudni sistem je otežavao preduzećima da posluju u BiH, a u nekim slučajevima to je značilo da su dva puta oporezovani, što je na kraju otežavalo preduzećima da otvraju nova radna mjesta.

Sporazum mora odobriti Upravni odbor novoformirane Uprave za indirektno oporezivanje, te bi trebali upravljati novim sistemom.

Ova fundamentalna i razumna reforma će ohrabriti investicije, te povećati šanse o otvaranju, prijepotrebni, novih radnih mjesta.

OHR poziva sve stranke u Parlamentu BiH da podrže zakone neophodne da se jučerašnja preuzeta obaveza pretvori u realnost. Politički lideri BiH su pokazali da mogu staviti građane na prvo mjesto. Vrijeme je da i parlamentarci učine isto, te da reforme vezane za uspostavu jedinstvenog tržišta budu provedene.

Prvi zamjenik visokog predstavnika u posjeti uspješnim preduzećima

Prvi zamjenik visokog predstavnika Donald Hays se danas nalazi u općini Ljubuški gdje će posjetiti uspješna preduzeća i načelnika općine. Ambasador će posjetiti uspješno privatizirana preduzeća koja sada stvaraju radna mjesta, te će istaći da dobra općinska administracija može igrati veliku ulogu u podršci stvaranju novih radnih mjesta tako što će stvoriti uslove u kojima se preduzeća mogu razvijati i investirati.

Na jutrošnjem sastanku sa načelnikom općine Ljubuški Markanom Zelićem i drugim općinskim službenicima, naglasak je stavljen na ekonomiju i proces privatizacije kao i na općinske planove za razvoj turizma. Sutra će ambasador biti u Žepču i Zenici gdje će posjetiti uspješna preduzeća i sastati se načelnicima općina ove regije. Detaljna obavijest za medije će biti poslata danas poslijepodne.

Ambasador Hays će nastaviti sa susretima sa načelnicima općina ohrabrujući ih da iskoriste priliku koja je otvorena nedavnim općinskim reformama. Nakon 18 mjeseci sastanaka i mišljenja načelnika i građana, oni su pojasnili da postojeći sistem ne odgovara njihovim sugrađanima. Kroz dijalog sa načelnicima, postalo je jasno da sve više jača interes za potencijalom općinskih vlasti da promijene političku scenu BiH na bolje. Na ovim sastancima prvi zamjenik visokog

predstavnik razgovara o razmišljanjima načelnika u pogledu reformi koje bi mogle učiniti općine poželjnim mjestom življenja.

Ne dolaze svi načelnici sa vizijom budućnosti iz iste političke stranke, iste starosne grupe ili istog dijela države. Kao što je ambasador Hays ranije komentarisao, političke stranke bi se sigurno kretale u pravom smjeru ako bi iskoristile predstojeće izbore da predstavljaju nova lica sa naprednim idejama. Način da to učine je da imenuju mlade i energične kandidate - čak i mlađe od 35 godina.